

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ابکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربات

معموره العزیز ولایتی استیناف محکمه سی جزا
داره سی ریاستی اشقودره ولایتی استیناف محکمه سی
جزا دائره سی ریاستندن مستعفی عزتو حامد افندی به
معموره العزیز ولایتی استیناف محکمه سی مدعی
عمومیلکی ارضروم ولایتی استیناف محکمه سی
مدعی عمومیلی رفعتو احمد صائب افندی به
ارضروم ولایتی استیناف محکمه سی مدعی
عمومیلکی ولایت مذکوره مرکز بدایت محکمه سی
حقوق دائره سی رئیس عزتو عبدالرحمن عزیزی افندی به
ارضروم ولایتی مرکز بدایت محکمه سی حقوق
دائره سی ریاستی آیدین ولایتی مرکز بدایت
محکمه سی جزا دائره سی رئیس رفعتو علی علوی
افندی به

قونیه ولایتی مرکز بدایت محکمه سی حقوق
دائره سی ریاستی وان ولایتی مرکز بدایت محکمه سی
حقوق دائره سی رئیس سابق فیضاه افندی به

بتلیس ولایتی مرکز بدایت محکمه سی جزا
دائره سی ریاستی ارضروم ولایتی مرکز بدایت
محکمه سی مدعی عمومی معاونی سعادتو توفیق بکه
ارضروم ولایتی مرکز بدایت محکمه سی مدعی
عمومی معاونلکی حکاری سنجانی بدایت محکمه سی
جزا دائره سی رئیس صبری افندی به

قوصوه ولایتی محکمه فوق العاده سی اعضانی
سلانیک ولایتی استیناف محکمه سی اعضاندن پتراکی
افندی به

سلانیک ولایتی استیناف محکمه سی اعضانی
قوصوه ولایتی محکمه فوق العاده سی اعضاندن
نظرت حیران افندی به تفویض بهورلش ومومی الهم
ذاتاً مخالف بولنشدر.

تجربیات

اشقودره ولایتی مرکز بدایت محکمه سی اعضالغنه
سرفیچه سنجانی بدایت محکمه سی اعضاسندن
انسطاش افندی
سرفیچه سنجانی بدایت محکمه سی اعضالغنه
اشقودره ولایتی مرکز بدایت محکمه سی اعضاسندن
نیقولاکی افندی

ایلبسان سنجانی بدایت محکمه سی اجرا مأموریتنه
کسریه قضاسی بدایت محکمه سی باش کاتبی شاکرافندی
قرچوه قضاسی بدایت محکمه سی مستنطقلکنه
کره بنه قضاسی بدایت محکمه سی مستنطق حسین افندی
کره بنه قضاسی بدایت محکمه سی مستنطقلکنه
قرچوه قضاسی بدایت محکمه سی مستنطقی راسم افندی
تعیین اولنمشدر.

تجربیات

۶۳۷ نومرولی نسخه ده مندرج پولیس

نظامنامه سنک مابعدی :

۷۹ ماده درون شهرده صفت ومأذونیت
رسمیه لری اولقمسزین هر نوع سلاح طاشیانلر منع
اولنه جق وطاشیدقلری سلاح اسلحه ممنوعدن ایسه
اخذ ومصادره ایدیله جکدر.

۸۰ ماده آداب و اخلاق عمومی به مغایر
هر نوع افعال واحوال منع اولنه جقدر.

علی الاطلاق قارخانه لر ونظام مخصوصه موافق
وضابطه جه محذوردن سالم اولمیان میخانه لرله
عمومخانه لر ورخصت رسمیه سز ترتیب وکشاد اولنان
پیانقو واکامائل هر نوع معاملات اصولی دائره سنده
منع ایدیله جک ومحلات داخلنده ومعابد ومکاتب
ومقابر جوارنده عمومخانه آچلمسنه قطعاً میسدان
ویرلیه جک وآچلمش اولدینی کوریلور ایسه سد
اولنه جقدر.

۸۱ ماده سرخوش اولوب زقاقلرده دوشن
وخلقک حضور وراحتی سلب ایدیه جک حالاته
تصدی ایدن اشخاص طوتیلوب مرکز کتوریلهرک
واوزرلرنده بولنان شیلر ثبت دفتر ایدیلهرک حرکتلری
سرخوشلق درجه سنده قالمش ایسه آیلنجه به قدر
آیقونیلوب بردها اولیه برحاله بولنامسی ایچون
ضابطه جه مقتضی معامله اجرا قلنه جقدر.

۸۲ ماده کنج کیسه لری عشرت ومغایر
آداب و اخلاق افعاله تشویق وسوق ایدنلر
ومیخانه جیلردن بوکیلره عشرت ویرنلر منع ایله
حقارنده معامله قانونیه اجراسنه توسل اولنه جق
واویله کنجکالرک اللرنده طالیرنه نسبت اولنه میه جق
درجه ده قیمتدار اشیا بولنانلر ویا زیاده صرفیات
ایدنلرک احوالی وصورت معیشت واداره لری تحقیق
اولنه رق ولیرینه اخبار کیفیت ایدیله جکدر.

۸۳ ماده میخانه لرک اوقات معینه سنده قیامسنه
دقت ایدیله جک وخلاف تنبیه حرکتده بولنان
میخانه جیلر حقنده معامله مقتضیه قانونیه اجرا
اولنه جقدر.

۸۴ ماده پولیس مأمورلری مسیره لرده واسکله
وکوبری کبی ممرناس اولان محللرده وتیاترو وشمندوفر
موقفی کبی عمومه مخصوص اولان یرلرده بولنه رق
محافظه آسایشه وخلقک تأمین استراحتنه دقت
ایده جک لری کبی یان کیسیجی وسر سری وعلی الاطلاق
سابقه لی اشخاصک کافه حرکاتی تعقیب ایله شهبلی
برحالیرینی کوردکاری آنده دردست ایلیه جکدر.
۸۵ ماده صنوف اهالی وسکنددن برینک
عرض وجان ومالی علیه بر تجاوز ویا تسلط تشبثی
حس اولندینی تقدیرده تدابیر مانعه سربعینی اتخاذ
واجرا ایلک پولیسک جمله وظائفنددر.

اوجنجی قسم

ضابطه ملکیه ووظائفی

۸۶ ماده پولیس مأمورلری اولاه حقوق
مقدسه حضرت پادشاهی به ومنافع حکومت سنییه

مغایر احوال وقوعه میدان و یرمیه جک و ثانیاً داخل ملکیتده اشخاص مضره بولنوب بولندیفنی ثالثاً ممالک سائرده بولان ادباف فساد ایله مناسبتده بولنانلر اولوب اولدیفنی رابعاً اخلاص آسایش ایده ببله جک برکونه تشبثات بولنوب بولندیفنی خامساً اجزای ناریه واسلحه واوراق وایشای منوعه و مضره جلب وادخال ویا ترتیب و اعمال ایله مشغول برکیمسه اولوب اولدیفنی علی الدوام تحری و تجسس ایده رک بوکی احواله تشبث ایله کبری تحقیق ایدنلری در دست ایله جکدر .

۸۷ ماده پولیس مأمورلری حقوق و قوانین و نظامات سلطنت سنه به منافی و تخدیش اذهانی موجب هر دلو ثنریات و القات و احوال و حرکاتی منع ایله متجاسر لر نی اخذ و گرفت ایده جک و ممنوع اولان جمعیتلری طاغتمغه برابر بونده برسوء نیت و مقصد اولدیفنی تحقیق ایله کبری تقدیرده اجتماع ایدنلری در دست ایله جکدر .

۸۸ ماده پولیس مأمورلری هر نوع اوراق و کتب و رسائل مضره و ممنوعه نی تجسس و مورد لر نی تحقیق ایله برابر بوبایده شبهه ایتدکبری احوال و اشخاص حقدده حقیقاته مسارعت ایده جک رتسات ایده جکبری اوراق و کتب ممنوعه نی ضبط ایده رک معاملات متبایقه سی ایفا ایله جکدر .

مطبعه و کتبخانه لرک دخی ضابطه جه تفتیش مجازدر .

۸۹ ماده پولیس مأمورلری امنیت داخلیه و خارجیه نی محل اوله جق هر کونه تشبثات و احوال حقدده کی محسوسات و مسوعات اوزرینه لازم کله جک تدایری در حال اتخاذ و ایفا ایله برابر او آنده آمرینه اعطای معلومات ایله جکدر .

در دنجی قسم

ضابطه عدلیه ووظائف

۹۰ ماده اصول محاکات جزائی قانونک ضابطه عدلیه و آنک مأمورین اجرائیه نه دأر اولان باب اولنک مواد مخصوصه سی احکامه توفیقاً پولیس قومیسرلری کافه جرائی تحری و دلائلی جمع و ضبط ایله متجاسر لر نی طوتوب جهت عدلیه به تسلیم ایتمک مأموردر .

۹۱ ماده پولیس قومیسرلری ماده سابقه وجهله مطلع اولدقلری افعال جرمیه نک محال و زمان وقوعی و جرم ایله متجاسرینک تعیننه مدار اوله جق کافه دلائل و اماراتی شامل اولق اوزره در حال و مکملأ بر ضبط و ورقه سی تنظیم ایده جکدر .

۹۲ ماده قومیسر لر دأره مأموریتلری داخلنده وقوعه کلان جرائم حقدده کی اخبارات و شکایاتی اصول محاکات جزائی قانونک مواد مخصوصه سی موجبجه قبول ایده رک مرجعه ایصال ایله جکدر .

۹۳ ماده قومیسر لر مراجعت وقوعی اوزرینه اصول محاکات جزائی قانونک مواد مخصوصه سی تعریفانی دأره سنده تنظیم ایده جکبری اخبار و شکایاتنامه لرک بر صورتی طلی حالده مخبر و یا مشتکی به ویا وکیل لر نه ده اعطا ایده جک و مخبر ویا مشتکی نی هویتی تحقیق و ضبط ایله جکدر .

۹۴ ماده جرائم مشهودده مدعی عمومی ویا مستطق محل جرمه و رودینه قدر پولیس قومیسر و مأمورلری اصول محاکات جزائی قانونک باب اولنک قسم نایسنده مندرج مواد احکامه توفیقاً در حال موقع جرمه عنایتله اولایده کی تعریفات قانونیه دأره سنده تحقیقات و معاملات مسارعت ایده جک ووقعه نک ایجابنه کوره استصحاب ایده جکی مأمورلری وظیفه به تخصیص و استخدام ایله اوراده آسایشه عائد معامله نی و جرم ایله آثارینک تعین و استحصالی و متجاسرینک در دست ایلمسنه متعلق اولان وظائف سائر قانونیه نی تأمین ایده جکدر .

۹۵ ماده ماده سابقه موجبجه پولیس قومیسر لرینک ایفاسنه شروع ایتدکبری تحقیقات و معاملات اثباتنده مدعی عمومی ویا مستطق بری موقع جرمه ورود ایله کده مدعی عمومی ویا مستطق طرفدن ایله جک تسلیب دأره سنده حرکت ایله جکدر .

(مابعدی وار)

محاکات قضاوت

ارغی سنجانی بدایت محکمه سی جزا دأره سی رئیس سابق رشدی افندیکن اوراق انفصالیه و مدافعه نامه سی انجمن انتخاب مأمورین عدلیه جه لدی التدیق جواز استخدامنه قرار ویرلشدر .

عایشه نی قتل ایتدیکی ادعا اولنسندن دولانی جنایتله اتهام اولتان محمدک اون بش سنه مدته کورکه قولنسه دأر کوملجه سنجانی بدایت محکمه سی جزا دأره سنندن ویریلان ۶۳۶ نومرولی اعلام

ملا حسنی قتل قصدیه جرح ایتدیکی ادعا اولنسندن دولانی جنایتله اتهام اولتان محمدک اوج بحق سنه مدته کورکه قولنسه دأر درامه سنجانی بدایت

محکمه سی جزا دأره سنندن ویریلان ۴۹۲ نومرولی اعلام

رمضانی جرح ایتدیکی ادعا اولنسنندن دولانی جنایتله اتهام اولتان مالکک اوج سنه مدته کورکه قولنسه و مالکی ضربایدن مرقوم رمضانک اون بش کون حبسنه دأر برات سنجانی بدایت محکمه سی جزا دأره سنندن ویریلان ۸۳ نومرولی اعلام

یا قوچه نی قتل ایتدیکی ادعا اولنسنندن دولانی جنایتله اتهام اولتان ایلا ولد یانینک اون بش سنه مدته کورکه قولنسه دأر قوصوه ولایتی استیناف محکمه سی جزا دأره سنندن ویریلان ۱۹ نومرولی اعلام

لیفه قادیکن ضرباً و فتنه سبیت ویردکبری ادعا اولنسنندن دولانی جنایتله اتهام اولتان محمودک بش سنه مدته کورکه قولنسه و قبریک برائنه دأر قوصوه ولایتی استیناف محکمه سی جزا دأره سنندن ایکنجی دفعه اوله رق ویریلان ۹۴ نومرولی اعلام

طلحه بن محمدی قتل قصدی اولمقسنین ضرب ایده رک و فتنه سبیت ویردیکی ادعا اولنسنندن دولانی جنایتله اتهام اولتان عبدک بش سنه مدته کورکه قولنسه و مقتول مرقومی عادیا ضرب ایتدیکی ثابت اولان اسلامک دخی اون کون حبسنه و شیده نک برائنه دأر برات سنجانی بدایت محکمه سی جزا دأره سنندن ویریلان ۱۰۲ نومرولی اعلام

اسلاطنه قریه لی حلیلی قتل ایتدیکی ادعا اولنسنندن دولانی جنایتله اتهام اولتان حبیبک اون بش سنه مدته کورکه قولنسه دأر برزین سنجانی بدایت محکمه سی جزا دأره سنندن ویریلان ۳۵۳ نومرولی اعلام

بکقوزده کی شیشه فابرقه سنه دخول وبقال دکانک تیمورلر نی آلت مخصوصه ایله شکست ایده رک بر عدد روولور وایکی عدد فانیله و سائر سرقت ایتدکبری ادعا اولنسنندن دولانی جنایتله اتهام اولتان احمدک اوج سنه مدته کورکه قولنسه و عثمان ایله محمدک برائترینه دأر درسعات جنایت محکمه سنندن ویریلان ۱۸۷ نومرولی اعلام

اشرفی قتل قصدیه جرح ایتدیکی ادعا اولنسنندن دولانی جنایتله اتهام اولتان الیاسک اوج سنه مدته کورکه قولنسه دأر ارکری سنجانی بدایت محکمه سی جزا دأره سنندن ویریلان ۱۷۵ نومرولی اعلام

شا کرک کیفیت قتلندن و نبقوله نک جرحندن دولانی جنایتله اتهام اولتان هارونک اوج سنه مدته کورکه قولنسه و نبقوله نک شا کرکی مدافعه نفس ایچون قتل ایتدیکی ثابت اولدیفندن معافیتنه و مترونک

برائنه دأر ارکری سنجانی بدایت محکمه سی جزا دأره سنندن ویریلان ۱۳۷ نومرولی اعلام

لاز اوغلی لغوشقی ضرب ایله و فتنه سبیت ویردیکی ادعا اولنسنندن دولانی جنایتله اتهام اولتان خرستونک یدی سنه مدته کورکه قولنسه و مرقومه معاونت ایتدیکی ادعا سیله جنایتله اتهام اولتان دیمترینک دخی برائنه دأر درسعات جنایت محکمه سنندن ویریلان ۵۲ نومرولی اعلام محکمه تمیز جزا دأره سننجه تصدیق قلمشدر .

محاکات استیناف

عثمانیه قضاسی نائب و بدایت محکمه سی رئیس احمد آصف افندیکن خلاف قانون معاملات جرائی حلب آطنه ولایتلری عدلیه مفتشکلکندن وارد اولان اوراق تحقیقه مؤداسندن اکلاشلمش اولمغه محاکمه آلتنه آلمسنه عدلیه نظارت جلیله سنندن مأذونیت ویریه رک مذکور مدعی عمومیکه تبلیغات مقتضیه ایفا و طرف عالی مشیختپناهی یه ده معلومات اعطا قلمشدر .

مدیات قضاسی ناجی و بدایت محکمه سی رئیس اسبق سلیمان حق و محکمه مذکوره مدعی عمومی معاونی وکیل اسبق جمیل افندیلرک بر قتل ماده سنه متعلق تحقیقات صره سننده وظیفه لر نی سوء استعمال ایتدکبری دیاربرک و معموره العزیز ولایتلری عدلیه مفتشکلکندن وارد اولان اوراق تحقیقه محتویاتندن مستبان اولسنه منی محاکمه آلتنه آلمترینه عدلیه نظارت جلیله سننجه مأذونیت ویریه رک اولوجهله محله تبلیغات مقتضیه اجرا و رئیس مومی الهک کیفیت محاکمه سنندن طرف عالی مشیختپناهی ده معلومات اعطا ایدلشدر .

احکامات

درسعات استیناف مدعی عمر میلکی مأموریت بره سنده : اوچوز بکرمی اوج سنه سی اغستوسنک اون طقوزنجی کیجه سی لفعده بالنازعه کریاقو نی جرح و قتل ایتدکبری ادعا سیله مظنون علیهما اولوب حال فرارده بولتان صندوق بروننده قهوه جی و میخانه جی آبراهامک دکاننده ساکن فونوغرافجی قوچو و لفعده یک قو ایچرو سننده ساکن وبک اوغلنده بالی بازاری

ایچرو سننده برخانده قوندیره جی قوزغنجقلی جورجی ولد نیقولینک اصول محاکات جزائی قانوننک مواد مخصوصه سی احکامه توفیقاً جنجه درجه سننده لزوم محاکمه سنه قرار ویرلش اولان لیغور ایله برلکده جنایت محکمه سننده محاکمه لری اجرا قلمق اوزره قانون جزانک ۱۷۴ نجی ماده سی موجبجه جنایتله اتهاملرینه قرار ویرلدیکنندن متهمان مرقومان قوچو و جورجینک هر زده کور بولر لر ایسه طوبیلوب محکمه مذکوره توفیقانه سنه تسلیملری لازم کله جکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکره سی درسعات هیئت اتهامیه سنندن بالتظیم اعطا قلندی .

درسعات بدایت محکمه سی برنجی مرقوم راده سنده : غلطه ده تونل زقاعنده بر نومرولی قصاب دکاننده مسافره ساکن محمد امین افانک پدروی متوفی اکیلی حسن افانک حال حیاتنده چلی علاه الدین محله سنک مارپوشجیلر جاده سننده مقیم ایکن الیوم زده بولندیفنی مجهول اولان صراف یواندن استقراض ایلدیکی بوز یتش بش عدد لیرای عثمانی نی قبل الوفات محکمه تفتیش اوقافده تسویه ایتدیکی حالده هر نصلسه مقابلنده ترهین ایلدیکی قیل برونی جاده سننده کائن قرق بش و قرق یدی و قرق طقوز نومرولی املاک حقدده کی معامله و فارفع ایدلماش و کندوسی ایسه متوفانک وارث یکانه سی بولمش اولدیفندن بخله مرقومک اعلان صورتیه دعوت اولنه رق محاکمه لرینک اجرائی حقدده درسعات بدایت محکمه سی برنجی حقوق دأره سنه اعطا ایلدیکی استدا اوزرینه ترقیم ایتدیریلان ورقه دعوتیه فی الحقیقه یوانک مارپوشجیلر ده بولنه مدینه بیانیله محله سنندن عاده قلمش و شو حالده مدعینک بروجه محرر طلی اصول محاکمه حقوقیه قانونک بکرمی التتجی ماده سنه موافق کورلش اولدیفندن مذکور ماده حکمنه توفیقاً محکمه دیوانخانه سنه تعلیق قلمش اولان ورقه دعوتیه ده کوسترلدیکی وجهله مرقوم یوانک ۳۲۴ سنه سی مارتنک اون برنجی صالی کونی ساعت بشده رؤیتی مقرر بولتان محاکمه بالذات حاضر بولمش لازم کلوب کدیکی ویا طرفندن مصدق و کالتنامه ایله بر وکیل کوندردمیدیکی حالده دعوی مذکور نک غیباً رؤیت اولنه جنی اعلان اولتور .

برنجی نجات محکمه سننده :

تبعه دولت علیهدن تسالیاده چانله قصبه سننده

کائن دوربالی درکاهی پوست نشینی احمد مهدی بابا علمبنده تبعه دولت مشار الیهان یانیه ولایت جلیله سی داخلنده برمدی قصبه سننده خانه لر نه مقیم متوفی بیرام بابا مرتضانک همشیره سی لاله خاتم بنت مرتضی ایله عیسینک اوغللری عبدالرحمن افندی ابن عثمان واسلام وحیدر افندیلر طرفلرندن محکمه تجارت برنجی مجلسندن استحصال اولتان ۲۲ مارت سنه ۳۲۳ تاریخی و ۲۱۷ نومرولی اعلام حکمنه عدم قناعتله مومی الیه احمد مهدی بابا طرفندن اقامه اولتان اعاده محاکمه دعوانسک اجرا قتلان محاکمه سی نتیجه سننده یونان دولتی تبعه سنندن و تجارت اولوب اولجه آتنده ساکن ایکن شمیدیکی اقامتکانه ک مجهول ایدوکی خبر ویریلان موسیو افیمی زخارویلو نکده دعوی مذکور به داخلی حقدده اتخاذ اولتان قراره تبعاً مرقوم افیمی زخارویلو مومی الیه احمد مهدی بابا طرفندن با عرضحال داخل دعوی ایدلکه اولایده طرفینک اجرای محاکمه سی ایچون اشبو ۳۲۳ سنه سی کانون نایسنک یدنجی بازار ایتسی کونی تعین ایدلش اولدیفندن مرقوم افیمی زخارویلو نک بوم مذکورده ساعت الی راده لر نه محکمه مزبوره ده حاضر بولمش و یاخود مصدق سننده بروکیل کوندرسی لازم کله جکی و شاید گز ویا وکیل کوندرسن ایسه دیگر طرفک وقوعهله جق طلی اوزرینه مرقوم حقدده معامله غیبیه اجرا قلمه جنی معلوم اولق اوزره تنظیم اولتان دعوتیه ورقه سی اصول محاکمه تجارت نظامنه مهسک یکرمنجی ماده سنک دردنجی فقره سنه توفیقاً علی الاصول محکمه نک دیوانخانه سنه تعلیق قلندیکی کبی اوراق حوادث واسطه سیله دخی اعلان اولتور .

نجات محکمه سننده

استانبولده قاشقچیلر ده ۲۷ نومرولی دکانده توتونجی و تنباکوچی علی افانک ۱۵ کانون اول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محکمه دن سعادتلو ابراهیم بکک ژورقومیسر و دعوی وکیللرندن عثمان طلمت بکک موقت سندیک تعینلرینه و مغازه سیله اشیای زائده یتیه سنک تمهیریه و اوراق و دفاترینک جلبنه و کفالت مصدقه ارانه ایده مدیکی تقدیرده حبس و توقیفه و بوبایدکی قرارک موقتاً اجراسنه تجارت بحریه محکمه سنن قرار ویرلش اولدیفندن قانوننامه تجارتک ۱۷۰ نجی ماده سی موجبجه دائمی سندیکار انتخاب اولق اوزره اشبو ۳۲۳ سنه سی کانون نایسنک بشنجی جمعی ایتسی کونی ساعت یدی راده لر نه اصحاب مطلوبک محکمه

مذکورہ نك مصالح افلاسیہ رؤیتہ مخصوص اوطہ سنہ
کلمری اعلان اولنور .

ایکینجی تجارت محکمہ سنہ :

حطب قپوسندہ ٤١٠ نومرولی دکانده مقیم
کراسته تجارتیه مشتغل انسقی امانویلیدیسک ١٥
کانون اول سنہ ٣٣٣ تاریخندن اعتباراً اعلان افلاسنه
ومصالح افلاسیه نك رؤیت وتسویه سی ضمانده اعضای
محکمہ دن عزتو یانقو افندینک ژورقومیسر ودعوی
وکیللرندن واسیلا کی زخار یادیس افندینک موقت سندیک
تعیینلرینه ومغازسیله اشیا ی زائده بیتیه سنک تمهیرینه
واوراق ودفاترینک جلبنه وكفالت مصدقه ارانه
ایده مدیکی تقدیرده حبس وتوقیفنه وبوباده کی قرارک
موقتاً اجراسنه ایکینجی تجارت محکمہ سنجه قرار
ویرلمش اولدیغندن قانوننامه تجارتک ١٧٠ نجی ماده سی
موجبجه دائمی سندیکلر انتخاب اولنق اوزره ٣٣٣
سنه سی کانون اولنک یکرمی طقوزنجی جمعہ ایرتسی
کونی ساعت یدی راده لرنده اصحاب مطلوبک محکمہ
مذکورہ نك مصالح افلاسیه نك رؤیتہ مخصوص
اوطه سنه کلمری اعلان اولنور .

چارسوی کیرده ترزی باشی زقاغنده ساکن ایکن
ایکینجی تجارت محکمہ سنندن افلاسنه حکم اولنمش
اولان آغوب جغندیریانک خصوصات افلاسیه سنک
رؤیت وتسویه سی ضمانده دعوی وکیللرندن کرقرور
آطامیان افندی اصالة سندیک تعین قلمش اولدیغندن
مفلس مرقوم ذمتده آله جنی اولانلرک قانوننامه
تجارتک ١٩٩ و ٢٠٠ نجی ماده لری موجبجه تحقیق
دیون ایچون تاریخ اعلاندن اعتباراً یکرمی برکون
ظرفنده سنداثی محکمہ کاتبه تسلیم ایللری ومدت
مذکورہ ختامندن صوکره اوچ کونده یعنی ٣٣٣
سنه سی کانون نانیسنک سکرنجی صالی طقوزنجی
چهارشنبه واونجی پنجشنبه کونلری ایکینجی تجارت
محکمہ سنک مصالح افلاسیه رؤیتہ مخصوص اوطه سنه
کله رک سندیک افندی مواجهه سننده آله جقلری
اثبات وقید وتصدیق ایتدیرملری ومدت مذکورده
اثبات وجود ایده میان آله جقلولر حقنده قانون
مذکورک ٢١٠ نجی ماده سنه توفیقاً ایفای معامله
اولنه جنی اعلان اولنور .

محکمہ تجارت اجرا دائره سنده :

یونان دولتی تبعه سنندن قسطاکی ساندورینویه
اولان دین محکومندن طولای قره بک اوغلی حاجی
یورکی افندینک شیشلیده دره زقاغنده کائن خانه سنده
موجود و محجوز بولنان قونسول ، بورو ، آینه ، خالی

وسائرہ مثللو اشیا سنک فروختی مقرر بولنغله اشیا ی
محجوزہ مذکورہ کانون اول رومینک یکرمی دردنجی
بازار ایرتسی کونی ساعت بشدن یدی یه قدر محل
مذکورده مأموری مواجهه سننده بالمزایده فروخت
ایدیله جکندن اشتراسنه طالب اولانلرک یوم ووقت
مزبورده مذکور خانه پیشکاهنده حاضر بولنلری
محکمہ تجارت اجرا دائره سنندن اعلان اولنور .

در سعادت اعلامات نظامیه اجرا دائره سنده :

ایساق ولد ملدیوسک با اعلام نظامی آپوستوله
دینی اولان مبالغت تأمین تسویه سی ایچون مدیون
مرقومک پدرندن انتقالاً متصرف اولدینجی باب جعفری
خارجنده حاجی مصطفی اغا محله سننده بالموجیلر
جاده سننده کائن تخمیناً التمش آرشون عرصه اوزرینه
مبنی فوقنده چند باب اوطه یی حاوی ذوالجهتین و شهری
یدیوز غروش ایجاری ایکی یوز یکرمی سکر جدید
وایکی یوز اوتوز عتیق نومرولر ایله مرقم بر باب
اجزاجی دکانک یوز یکرمی سهم اعتباریله یوز بش
سهمندن ربع حصه سنک تاریخ اعلاندن اعتباراً اون
بش کون صوکره بالمزایده فروخته تشبث اولنه جنی
در سعادت اعلامات نظامیه اجرا دائره سنندن اعلان
اولنور .

روسیه دولتی تبعه سنندن طاشکندلی حاجی ابراهیم
اغا ابن حاجی قاسمک با اعلام جزا بخارالی حاجی
عثمان ذمتده حقوق شخصیه دن اوله رق مطلوبی اولان
مبالغت تأمین استیفاسی ایچون حجز آلتیه آلدیرلمش
اولان مختلف المجلس اشیا ی زجاجیه نك تاریخ اعلاندن
اوچ کون صوکره یعنی شهر جاری رومینک یکرمی
پنجشنبه کونی ساعت بشدن سکره قدر چارسوی کیرده
یورغانجیلر خانی دروننده البسه ومفروشاتک دخی
شهر حال رومینک یکرمی دردنجی بازار ایرتسی کونی
ساعت یدیده چارسوی کیرده بات بازارنده فروخت
اولنه جنی اعلامات نظامیه اجرا دائره سنندن اعلان
اولنور .

اسکدار بدایت محکمہ سی اجرا دائره سنده :

فتوتلو عثمان افندینک ارکوبلی حسین اغا ذمتده
اسکدار بدایت محکمہ سی حقوق دائره سنندن لاحق
اولان اعلام موجبجه آله جنی بولنان مبالغ معلومه نك
تأمین استیفاسی ضمانده محجوز اولوب مدیون مرقومک
نام آخره اوچوز طقسان ایکی عدد لیرای عثمانی
دینی مقابلنده وکالت دوریه شرعیه ایله وفاء مفروغ
بولنان آیاصوفیه کیر محله سننده دیوان یولی جاده سننده

قرق طقوز نومرو ایله مرقم معلوم الحدود تخمیناً
سکسان ذراع عرصه اوزرینه مبنی الیوم آشجی دکانی
اوله رق استعمال اولنقده بولنان کارکیر بر باب دکان
دروننده مستقر نظامی وتوسیع انتقالو بر عدد بربر
کدکی ایله ملکی بوندن اقدام موقع مزایده یه قولشیدی
قانوناً اجرا واکال ایدیلاں مدت مزایده ده مذکور
دکان عثمانی لیراسی یوز غروش حساسیله الی بیک
بشیوز غروشده طالبی عهده سننده تقرر ایدرک قرار
قطعیسی ویرلمش اولدیغندن سکر کونه قدر یعنی
کانون اول رومینک اون طقوزنجی چهارشنبه کونندن
اعتباراً یکرمی یدنجی پنجشنبه کونه قدر دفتر خاقانی
نظارت جلیله سنه کیده رک تقرر ویرلمک اوزره دائره
اجرایه کلسی وبومت طرفنده دائره یه مراجعت
وقوع بولمیدنی حالده تقرر ویرمکدن امتناع ایتمش عد
اولنه رق ورضاسنه وتقریرینه باقلمیه رق فراغ معامله سنک
اجرا ایتدیر یله جکنی مبین تنظیم قلنان اشبو اخبار نامه
مرقوم حسین اغانک اقامتکاهنک مجهول بولنسی
حسبیه کندوسنه تبلیغ ایدلمش عد اولنق اوزره
اسکدار بدایت محکمہ سی اجرا دائره سی دیوانخانه سنه
تعلیق قلندینجی کی غزته لرله اعلانته ایتدار قلندی .

کورچه بدایت محکمہ سی حقوق دائره سنده :

کور یجلی پانده لی ولد یقو مانونک قصبه
مزبورده لی ترزی اصنافندن دیمتری وبرادری آندون
ولدان پاپامیخال علیلرنده کور یجیه بدایت محکمہ سی
حقوق دائره سننده اقامه ایلدیکی دعوی اوزرینه
مدعی علیلرندن مزبور دیمتری حقنده وجاهاً وبرادری
مزبور آندون حقنده غیباً اجرا قلنان محاکمه ده
مبلغ مدعا به اون اوچ بچق عدد لیرای عثمانینک مع گذشته
ومصارف محاکمه مدعی علیهما دیمتریدن حسب الکفاله
وبرادری آندونندن حسب الاصاله بالتحصیل مزبور
پانده لی به اعطاسنه ٧ اغستوس سنه ٣٣٣ تاریخنده
حکم وقرار ویریلوب اولباده تنظیم اولنان اعلام
دیمتری پاپامیخاله تبلیغ اولنمش ایسه ده آندون
کور یجیه ده بولندینجی کی اقامتکاهنده دخی کسنه سی
اولدینجی جهتله حالاً اقامتکاهی معلوم اولماسنه بناء
مدعینک طلبیه اصول محاکمه حقوقه قانوننک یوز
قرق طقوزنجی ماده سنه توفیقاً اعلام مذکورک
برقطعه صورتی ده محله سی مختارینه تسلیم اولندینجی کی
برصورتیده محکمہ دیوانخانه سنه تعلیق قلندینجی
اعلان اولنور .